

Leierchischte, aus CD „Muh“:

Rega

(Musik & Text: Roland Schwab)

1. Isch's e Wirbel, isch's es Bei
wo öpper broche het?
Isch's es Auto, isch's e Töff
wo d Kurve nid het breicht?

Isch es ds Grosi, isch es Tante
wo schnälli Rettig bruucht?
Isch es d'Fründin, isch's dr Brueder
wo am Bärg e Sturz het gha?

**Flügt ir Luft der Helikopter,
ghörsch ne scho vo wyt.
D'Rega isch's, jetz gseh is guet,
d'Farb isch typisch rot und wyss.
(2x)**

*(1414 das muesch wähle, we
bir Rettig d'Rega nid söll fähle)*

2. Ds Knatter vom Motor isch luut,
dä Ton, dä kenn i guet.
Mit verbundene Ouge wüsst i,
d'Rega isch's, das weiss i genau!

Ds Dräje vom Rotor git Luft,
my Chappe flügt dervo.
Der Heli landet uf em Bode,
dr Pilot, dä cha das guet.

**Flügt ir Luft der Helikopter,
ghörsch ne scho vo wyt.
D'Rega isch's, jetz gseh is guet,
d'Farb isch typisch rot und wyss.
(2x)**

3. Schtygt e Ma mit rote Chleider
usem Heli us.
Und d'Frou Dokter mit dem Koffer
gumpet hinde na.

Schnäll wird gholfe bis der Heli
startet höch id Luft.
Und scho flügt die gueti Rega
Richtig Stadt und ids Spital.

**Flügt ir Luft der Helikopter,
ghörsch ne scho vo wyt.
D'Rega isch's, jetz gseh is guet,
d'Farb isch typisch rot und wyss.
(2x)**



Song „Rega“:

Alle Rechte © by SUIISA,
Roland Schwab, Leierchischte

- Infos, CD, Konzerte etc:

www.leierchischte.ch

- Noten können angefordert werden:

info@leierchischte.ch

www.leierchischte.ch